

## Великай советский народсь оцю радостьса аноклай СССР-нь Верховнай Совету выборхненьди

### НИНГЯ СЯДА ЦЕБЯРЬГАФТОМС ИЗБИРАТЕЛЬНАЙ ЗАКОНТТЬ ТОНАФНЕМАНЦ

Илядсь аф лама ши ся времат, мзярда сембе трудящайне Советский Союза молихть эсь бюллетеньснот мархта избирательнай урнатненьди и кармайхть голосовадондама ся ломатьтнень инкса, конат няфтезь эсь преданностьснот родинать инкса. Тя шись кармай улема декабрь 12-це шистонза, конанц сембе трудящайне Советский Союза васьфцазь оцю кенарьдемаса.

Ня кафта исторический дататне — Великай Октябрьский Социалистический революция 20-це годовщина и Высшай органу — Верховнай Совету выборхненьди анокламась пяк минь обязывает сянди, штоба сядонга лац вишкотема агитационно-массовой работать од избирательнай законтть раз'яснениянц инкса.

ВЛКСМ-нь ЦК-ть III-це пленумоц видеста азозь, што тя оцютевти комсомолонь организациятне аф анокт! Аф анокт и минь Мордовский комсомолонь организациятневок.

ВЛКСМ-нь ЦК-ть III-це пленумоц азозь, што комсомолса ламода келетьф бюрократический централизмась и аш подлиннай комсомольский демократизма; лама организациява йофси люшневсь критикась и самокритикась, лафчста ладыф политической тонафнемась, культурно-массовой работась, лафчста кепотьф большевистский бдительностьсь, народонь вракнень разоблачандамасна.

Сталин ялгать исторический докладоц, конанц сон тиезя ВКП(б)-нь ЦК-ть февральско-мартовский пленумсонза нинге сядонга пяк минь обязывает кеподемс революционной бдительностьенькень и идейно-теоритический знанияенькень, штоба педа-пес разгромидондамс троцкистско-бухаринский гадинаатнень и буржуазнай националисттнень.

Ня исторический документтне — Сталин ялгать докладоц и ВЛКСМ-нь ЦК-ть III-це пленумоц обязывает минь, штоба по-большевистски йотафтомс совету выборхнень од избирательнай законтть коряс.

Кда ванцась, кода моли работась райоттнень эзга комсомоль-

ский организациятнень и афсоюзнай од ломатьтнень йоткса избирательнай законтть раз'яснениянц. Сире-Синдровский комсомольский организацияс создано 33 кружокт, кося колхознай молодежьс тонафнихть избирательнай законтть. Ня кружокнень эса улихть цебарь агитаторхт. Сявсась примеркс Каймар велеть, кося работой агитаторкс Катаев ялгась, конац эршина вяти массовой работа афсоюзнай од ломатьтнень йоткса. Тяка жа районца выделенахть провереннай комсомолецт председателкс участковой избирательнай комиссияв: Шустин, Котов, Мадякин и Зюзин ялгатне, конат няфнихть образцовой показателхть эсь повседневнай работасост.

Атюрьевский комсомольский организацияс созданахть 32 кружокт, кося тонафнихть избирательнай законтть. Сяда башка работайхть 24 комсомолецт пропагандистокс. Стрельниковский организацияс работой пропагандистокс Пронякин ялгась, Дмитрий — Усадский организацияс Иванцов ялгась, конат вятихть массовой работа избирательнай законтть раз'яснениянц инкса.

Сяда башка эряви азомс, што ня райоттнень лама нинге афсатыкс-сна, калдывста моли работась женский молодежьс йоткса и школатнень эзга.

ВЛКСМ-нь обкомть V-це конференция оцю мяль шарфць избирательнай кампаниять ширес, штоба сембе комсомолецне развернули массовой работат афсоюзнай од ломатьтнень йоткса и марс синь мархтост обсуждадондамс выдвинутай Верховнай Совету кандидатуратнень.

ВЛКСМ-нь Мордовский Обкомть оцюфт задачанза. ВЛКСМ-нь ЦК-ть III-це пленумонц путфксонзон коряс сон должен решить, кода ня путфкснень сяда курок пашкодемс и сяда лацкас анокламс сембе комсомолонь организациятнень и од ломатьтнень тя ответственнай задачат пашкодемонза, штоба Совету кочкамс стама ломатьт, конат действительно преданнайхть Ленинонь — Сталинонь партиянц тевонцты.

### СОВЕТСКИЙ НАРОДТЬ ИНЬ ЦЕБЯРЬ ЛОМАНЕНЗОН КАНДИДАТУРАСНОН ВЫДВИГАЮТ ВЕРХОВНАЙ СОВЕТУ

Умань. Октябрь 28-це шистонза.

Ворошилов ялгать лемса велень хозяйственной артель (Псаровка веле, Ладыжинский район, Киевский область) колхозниконза йотафтьс многолюднай предвыборнай пуромкс. Сембе участникнень мненияснот выразил эсь выступленияснот беспартийнай И. Н. Козлик ялгась, конац заявил:

— Мон, национальнай Совету кандидатокс выдвигаю Демченко

Мария Сафроновна, Украинский народтть стирензон йоткста инь цебарь стиреть, пятисотеницань мощнай движеният инициаторонц. Мария Демченкось пользуется минь общай любовонькень мархта.

Колхозникне единодушна примаф резолюциясост аняльдихть Демченко ялгати максомс эсь соглашениянц баллатироватьс Уманский избирательнай округста национальностень Совету депутатокс.

### Минь васень кандидатоньке СТАЛИН ялгась

Октябрь 25-це шистонза тьялонь театрать зданиясонза ульсь домашний хозяйкатнень и домашний работницатнень пуромкссна, кона посвященнаель СССР-нь Верховнай Совету сай выборхненьди. Тя пуромксса тьяфта жа ульсь и Саранск ошть эзда маласа ащи колхозонь колхозницатне.

Холопова ялгать докладоц СССР-нь Верховнай Совету выборхнень порядокснот колга и Москуса, Ленинградса выборда ингольдень собраниятнень молемаснот колга информациясь ульсь кулхцонтьф оцю мяльса.

Совещанияс участницатне пренияс азондозь эсь седи вакскань благодарностьснот и преданностьснот партияти, правительствати и кельговикс, великай Сталинтти.

Совещаниясь сембе домохозяйкатненьди и домработницатненьди сьормаць сьорма, тексточ конань печатлави сяда алува.

Ялгат! Курок минь марнек родинахь кармай кочкамонза СССР-нь Верховнай Советть. Мезьсовок аф азозь ся оцю павазсь, конань минь кирдсась седисонот, ня исторический шитнень, марса марнек странать мархта. Минь странасонот основной законкс тани арась Сталинский Конституциясь, кося сьорматф минь завоеванияньке, конат сатфт ленинско-сталинский партиять руководстванц вельде, великай Сталинтть руководстванц вельде.

Минь Советский Союзоньке — мирса фкя странась, кося авась ащи хозяйнкс эсь судьбанцты, кося кельговихть ломатьтне, кося трудсь арась честень, славань, доблестень, геройствань тевкс, кося народнай хозяйстваса аш тьяфтам производства, кося ба афоль ульсувафть авань трудсь. Вов мес минь обращаемся сембе аватненьди, домашний работницатненьди, домашний хозяйкатненьди гордайт кирдемс эсь кяцонот авань равноправиянь знамять, кона сьорматф Сталинский Конституцияс: вов мес Верховнай Совету васень кандидатоньке ули ся, кие марнек эряфонц максесы партиять тевонцты, рабствать, нищеть и униженият эзда угнетеннай марнек человечествать освобождениянц тевонцты, — Великай Сталинц, кинь лемоц сотф минь странасонот Великай социалистический революцият сембе победанзон мархта.

Сяда вярй кепотьсась эсь революционной бдительностьенькень! Лездтама пролетарский революцият зоркай сельмонцты — славнай наркомвнутделецненьди, педапес машфтсась сембе вракнень,

конат мешайхть социалистический строительствати.

Ялгат! Кулхцондомок и обсудиндамок Верховнай Совету выборхнень колга докладть, минь сявонттяма эсь лангозонот тьяфтам обязательстват:

1. Максась сембе эсь виенькень ошень партийнай и советский организациятненьди лездоматевти, штоба декабрь 12-це шинц васьфтемс нинге сяда оцю сатфкса культурнай и хозяйствань строительствань тевса.

2. Минь эздонок кажнайсь тонафнесась Сталинский Конституцият и избирательнай законтть кружкова, школава — родительницатненьди и уличнай комитетова — домашний хозяйкатненьди.

3. Тонафцась сьормас аф содаихнень, пуроптомок школава кружокт, а тьяфта жа тифтень-тифтень кудга; эрь сьормас содайти декабрь 12-це шинцты тонафтомс кафта ломатьт.

4. Кажнайти добувамс литература Сталинский Конституцият и избирательнай законтть колга.

Примамс активнай участия избирательнай участкава помещениань оборудованьяс, кося кармайхть йотама выборхне.

Ладыамс эрь уличнай комитетса стенной газетань нолдамать.

Тя работась должен улемс сатф Великай Октябрь 20-це годовщинанцты анокламать мархта. Минь надиятама, што минь республикастоток фкявок ава аф кармай ащема ширеса ня задачатнень эзда.

Шумбра улеза Сталинский Конституциясь и сонь творецоц великай Сталинц!

### ТОНАФНЕСАЗЬ ИЗБИРАТЕЛЬНАЙ ЗАКОНТТЬ

Сире-Теризморга велень Буденнай ялгать лемса колхозонь комсомольский организациясь по-комсомольски ушедсь Верховнай Совету выборхнень колга Положеният тонафнема.

Комсомольский организацият инициативаса организовандафт

кружокт, кося пропагандистокс работайхть колхозонь председателсь Кувшинов ялгась и учительсь Гордеев ялгась.

Кружокса эряй оцю посещаемость.

Г. Васильев.  
Шайговань район.



# Великай советский народсь оцю радостьса аноклай СССР-нь Верховнай Совету выборхненъди

*Саранскяень консервной комбинатть рабочаенза, работницанза, инженеронза и служащаенза единодушнайста выдвинули кандидатокс Союзонь Совету депутатоньди*

**Нароттнень великай вождьсон и учительсон Сталин ялгать и сонь соратниконзон: Молотов, Калинин, Ворошилов и Микоян ялгатнень**

Октябрь 29-це шиня 4 частса консервной комбинатть рабочаенза арьсезь пуромомс, штоба эсь ширьдест выдвинуть кандидатт Союзонь Совету депутатоньди. Но ашесть учев нят назначеннай часттне и синь кармасть пуромома клубсонды, конац мазептф народтнень вождьсон Ленинонь, Сталинонь и синь маластонь соратниксон Молотовонь, Калининонь, Ежовонь и Микоянонь портретсон мархта, лозунгса и плакатса.

А стенаса таргаф лозунг, конань эса тяштф аф аныцек консервной комбинатонь, но и сембе странань трудящайхнень чувствасна:

**„Шумбра улеса павазу советский народть Конституциянь творецон Сталин ялгась“.**

Клубсь пашкодсь, занявсь ва-сттне, но народсь сай и сай. Сембе волнения мархта учихть пуромксть панжеманц, штоба азомс эсь чувствасон, эсь стремления-сон, партияти эсь преданность-сон.

Васень валть сявозе работни-цась Журавлева ялгась. Сон азон-дозень, кода сась работама нингя комбинатть строяманц васень шин-зон, кода кассь сонь квалифика-цияц и арась сменной технологокс.

— Тя ульсь кода сатомс теень, советский авати, сяс мес инксон-нок заботендай нароттнень вели-кай вождьсна Сталин ялгась.

И Сталин ялгать, нароттнень инь кельгома ломаньцон, синь аляснон и другсон, учительсон лемонц марямста рабочайхне кепе-дсть вию овация.

— Сяс мон Союзонь Совету депутатоньди кандидатокс выдви-гаю Сталин ялгать.

Рабочайхне и работницатне, служащайхне эсь выступления-сост кирьдезь Журавлева ялгать предложенианц.

Кушнарев рабочайсь азондозе эсь инголь пингонь безотрадный эряфонц и корхтась тяниень ра-достнай эряфонц колга.

— И мон тяни эрян и кенянкш-нян. Ингели монь эряфозель—шов-даши, туман. А тяни эрян радост-най эряфса.—И сон ненависть марх-та лятфтазе, што Польшань и Гер-маниянь рабочайхне эряйхть фа-шизмать кровавай диктатураса.—Долой фашизмать!—Тяфта адела-зе эсь выступлениянц.

Ежова ялгась корхтай эсь родной мордовский кялса. Сонь аф азомш-ка радостец, мордовский авась тяни равноправнай, тя радость теенза сатозе Ленинонь—Сталинонь пар-тияц.

— Ленин ульсь тюрьмаса, а се-днее, думонза ульсь народть марх-та.—И эсь реченц аделамста сон выдвигает Ворошилов ялгать кан-дидатуранц, конанц руководстванц вельде славнай Якстерь Армиясь арялясьне минь границанькенъ.

Лия ораторхне выдвинули Сою-зонь Совету Молотов, Калинин и Микоян ялгатнень — Сталинонь соратниконзон кандидатурасон.

Выдвинутай кандидатуратнень эса—минь народонькенъ виец, па-вазон, тяниень и вандыень радост-най эряфоц.

Тяда меле ульсь примаф резо-люция, коса эняльдихть Сталин, Молотов, Калинин, Ворошилов и Микоян ялгатнень инголе, штоба максольхть синь согласия балло-тироваться Саранский избиратель-най округть эзга.

Резолюциять примамста, мзярда азфоль Сталин ялгать лемоц, залсь стясь, и сембе ширьде ма-рявсь: „ура Сталин ялгати! Шумб-ра улеса нароттнень вождьсна Сталин ялгась“.

ИВ. ЧУМАКОВ.

## Мордовский государственный пединститутонь студеттнень и научнай работникнень резолюциясост

Минь, Мордовский Государст-веннай Педагогический Институ-тонь коллективсь Союзонь Совету депутатоньди васеньце кандида-токс выдвигаем сян, кинь гени-альный руководстванц вельде минь получаме права трудямс, тонаф-немс и ваймамс—Иосиф Висса-рионович Сталин ялгать и эняль-дьяма Сталин ялгати, штоба сон максоль согласия баллотироваться минь избирательнай округонькенъ эзга.

Омбоце кандидатокс, минь выд-вигаем Сталин ялгать боевой со-ратниконц, непоколебимай лени-нецть, минь прекраснай доблестнай героический Рабоче-Крестьянский Якстерь Армиянькенъ руководите-ленц Клемент Ефремович Воро-шилов ялгать. Марстонь пуромксь Союзонь Совету депутатоньди колмоце кандидатокс выдвигает непоколебимай сталинский нар-комть Николай Иванович Ежов

ялгать, наркомть, кона железнай кядьса срафтозе фашистский аге-ттнень бандасон, троцкистско-бу-харинский и буржуазно-национа-листический гадтнень, наркомть, кона зоркайста ванфцы минь со-циалистический родинанькенъ вну-тренний безопасностенц.

Марстонь пуромксь Союзонь Совету нилеце кандидатокс выд-вигает Косарев ялгать, Ленинский партиять вернай цюранц, ленин-ский комсомолть руководителенц, Пуромксь эняльди Ворошилов, Ежов, Косарев ялгатненьди мак-сомс эсь согласиясон баллатиро-ваться Союзонь Совету депутатокс Саранский округть эзга.

Шумбра улеса Ленинонь—Ста-линонь Великай и непобедимай партиясь!

Шумбра улеса минь кельгома учителеньке и другоньке Сталин ялгась!

*Саранскяень махорочнай фабрикань рабочайхне выдвинули Союзонь Совету депутатоньди кандидатокс МИКОЯН И КУЗНЕЦОВ ялгатнень*

Октябрь 29-це шистонза Са-ранскяень махорочнай фабрикань рабочайхнень, служащайхнень и инженерно-технический работни-кенъ марстонь пуромксса речь мархта лиссь махорочнай фабри-кать знатнай стахановец—Боро-дулин Николай Григорьевичсь. Сон предложил выдвинуть Сою-зонь Совету депутатоньди канди-даткс Саранскяень избирательнай округть эзда ВКП(б)-нь Мордов-ский обкомть секретаренц Кузне-цов Иван Алексеевич ялгать.

Бородулин ялгась корхтай: — Вов сян инкса, штоба мольф-темс минь родинанькенъ инголи од победатьненьди минь должны выдвинуть Верховнай органозонк самой преданнай цюранькенъ. Тяф-тамкс ащи минь ВКП(б)-нь Мор-довский обкомонькенъ секретарец Кузнецов ялгась. Сяс мон пред-лагаю кочкамс Союзонь Совету депутатоньди кандидатокс Кузне-цов Иван Алексеевич ялгать.

Бородулин ялгать предложенианц примсви единогласца. Тяда меле сире рабочайсь, Нищев ялгась Со-ветонь Союзонь депутаткс выдви-гает Сталин ялгать вернай и пре-даннай соратниконц, миньценъ род-ной наркомонькенъ Микоян ялгать.

Нищев ялгать предложенианц васьфнев бурнай аплодисменца и „Ура Сталин ялгати“ иваткш-немаса и примсви единогласна.

Сембе выступления меле при-мсви резолюция, коса сьорма-дыхть:

„Союзонь Совету кандидатурань обсужданамста, минь васендаки-гя кучсетяма эсь седистонк седи-ваксонь пара валонькенъ минь кельгома вожденькенъди—од Кон-

ституциять творецонцы Сталин ялгати.

Махорочнай фабрикань рабочай-хне, служащайхне и инженерно-технический работнике выдвига-ем Советонь Союзу кандидаткс минь наркомонькенъ Микоян ял-гать—минь кельгома народонь вож-деныкенъ Сталин ялгать инь це-бярь соратниконц и эняльдыа Ми-коян ялгати максомс эсь согласи-янц баллотироваться Советонь Союзу депутаткс Саранскяень из-бирательнай округть эзга.

Саранскяень махорочнай фабри-кань рабочайхне, служащайхне и инженерно-технический работни-не выдвигаем Союзонь Совету де-путаткс ВКП(б)-нь Обкомть сек-ретаренц Кузнецов Иван Алексее-вичть — гражданский войнань активнай участникть, Сибирьса партизанский отрядонь организа-торть, конац последовательнайста и непримиримайста вяти больше-вистской тюрьма Ленинонь—Стали-нонь партиять генеральной лини-янц инкса.

Пуромксь эняльди Кузнецов ял-гати максомс эсь согласиянц ба-лотироваться Советонь Союзу де-путатокс Саранскяень избиратель-най округть эзга“.

Фабрикань коллективсь эсь ре-золюциясост обращается Саран-скяень избирательнай округса сем-бе рабочайхненьди и трудящайх-неньди просьба мархта поддержать синь выдвинутай кандидатурасон.

Саранскяень избирательнай ок-ругть эса Советонь Союзу депу-татонь кандидатуратнень обсуждан-дамс единогласна кочкаф предвы-борнай совещанияв представи-телькс Нищев ялгась.

## Кочкасайнек Верховнай Совету инь цебярь партийнай и афпартийнай большевикнень

Минь странаньке переживает небывалый политический под'ем. Советский Союзть сембе народец аноклай Верховнай Совету выбор-хнень радостнайста йотафтомас-нонды.

Комсомольский организациан-неньди сави йотафтомс пяк оцю пропагандистский работа, штоба анокламс населениять выборхненъ-ди. Тяниень пингть, афваномок сян лангс, што выборхненъди илядсть аф лама шит тя серьезнай работась йотафневи аф сембе ор-ганизациява.

Комсомолецнень лангс возложе-най оцю задача—анокламс моло-дежь Верховнай Совету выбор-хненъди.

Участковай избирательнай ко-миссиятненьди членкс должет йотамс проверенай комсомолецт и афсоюзнай од лomatъ, конат ду-шой преданнайхть ленинско-сталин-ский партиять тевонцы. Штоба кочкамс тя серьезнай политиче-ский участкати действительно пре-даннай лomatъ, эряви тя тевти подойти пяк одоу серьезностьса.

Аф тяфта тя тевти подходят кой-кона комсомольский руково-дительхне.

Пединститутонь комсомольский организациять комитетонц секре-таренц Ащевсь рекомендовал изби-

рательнай комиссияв членкс 8 комсомолецт, конатнень эзда 5 лomatъне оказались политически аф надежнайкс.

Аф сатомшка серьезнайста Вер-ховнай Совету выборхненъди анок-ламатн подходит горсоветсь и комсомолонь горкомсь. Синь йо-тафтеть аныцек фкия общегородской семинар пропагандисттнень марх-та. Эряви азомс, што лама про-пагандист калдывста содасазь эсь инголет путф задачатнень.

Народонь вракне — фашизмать троцкистско-бухаринский агентон-за, буржуазнай националистне и лия мерзавецне — пытаются раз-вернуть синьценъ вражеский аги-тациясон.

Сяс и комсомольский агитаторсь должен улемс большевистски бди-тельный ломанькс, конац должет лихтемс лангти вракнень, хотя и искусно замаскированной масканц алда.

Верховнай Совету выборхне ма-латкшнихть. Комсомольский орга-низациятне обязатт аф юмафнемс времать. Синь должетт вишкп-темс агитационно-массовой рабо-тать выборхненъди анокламать колга.

Тя тевсь минь, комсомолецнень, важнейшай задачаньке.

Тишкин.



# Великай советский народсь оцю радостьса аноклай СССР-нь Верховнай Совету выборхненъди

## Ефимия Борискинась

Борискина Ефимия ялгась шачсь 1918 кизоня Малав велети, Рыбкинань району, беднай крестьянский семьяс.

Октябрьский революцияда инголя Борискина Ефимиять аляц эрьсь кулаконь кядьса работни-кокс.

Со дня организации сиңь сувасть колхозу.

1936-це кизонь сентябрь ковти самс Ефимиясь работась колхозса звеньеводкакс. Сонь звенац колхозса лувондовсь васеньце звенакс. Цебярь работанкса сон аф весть ульсь казфь правлениять ширьде ценнай подаркаса. Борискина Ефимиясь, кода стахановка ульсь ВЛКСМ-нь кемоньце с'едса делегаткакс.

Борискина ялгась ВЛКСМ-нь членкс сувасть 1935 кизоня. Тяни Ефимия Борискинась тонафни Краснослободск ошса политпросвет школаса.



БОРИСКИНА ЕФИМИЯСЬ - ВЛКСМ-нь областной 5-це конференциянь делегаткакс

## Нарзеева Полясь-стахановка

Нарзеева Полясь шачсь 1910 кизоня беднай крестьянский семьяс Лабаски велети, Ичалковань району. 1931 кизоня Полясь работась трактористкакс, а 1933 кизоня тусь совпартшколав тонафнема. Полясь азонкшнесы, што Октябрьский революцияда инголя синь эрьаст пяк кальдявста, нльня урожайда урожайс афоль сатне кшисна. Аньцек Великай Октябрьский Социалистический революциясь Ленинонь—Сталинонь руководстванц вельде освободил сембе трудящий народть эксплуатациять и нищетасть эзда.

Полясь 1934 кизоня сувасть ВЛКСМ-нь членкс, коса кармасть вятяма общественной работа. 1936 кизоня работась комбайнеронь помощникакс, а 1937 кизоня работась трактористкакс. Тракторса работамста Полясь няфтьсь образцовой показателхт. Нормась ульсь максф сезононь перьф сокамс 800 гектархт, а сон сокась 980 гектархт: заданиянц пшккодезде 122,5 проценти.

Тяддень кизоть Полясь, тундаста сявомок и сентябрьть васеньце шинцы самс заработала 2700 кг. кши и 1125 цалковайхт ярмак.

Тя цебярь эрьасть максозе тейнек Сталин ялгась. Спасибо Сталин ялгати счастливый эрьфонь максоманкса.

П.



НАРЗЕЕВА ПЕЛАГЕЯСЬ - ВЛКСМ-нь областной 5-це конференциянь делегаткакс



КАЗАНЦЕВ ПЕТРСЬ - ВЛКСМ-нь областной 5-це конференциянь делегаткакс

## Знатнай ломаненьке

Казанцев ялгась шачсь 1912 кизоня Чуфарова велети, Ромодановань району. 1931 кизоня Казанцев ялгась сувасть колхозу и работакшнесь рядовой колхозниккокс, коса относился пяк честнайста общественной работати и добросовестна пшкотькшнесень сембе поручениянень.

1935 кизоста сявомок Казанцев ялгась работай Ромодановань МТС-са трактористкокс, коса норманц пшкотькшнесе 150 проценти. Ня образцовой показателхненъ иакса Казанцев ялгась, кода цебярь стахановец, СССР-нь ЦИК-ть президиумонц мархта награжденнай Трудовой Красной Знамянь ордена.

1936 кизоня Казанцев ялгась сувасть ВЛКСМ-нь членкс, коса эрь шиня принимает активнай участия сембе общественной работать эса и сяконь мархта касфты политический кругозоронц.

Спасибо кельгома Сталин ялгати счастливый и радостный эрьфонь максоманкса.

П.

## Калдаевсь работай примернайста

Од-Кярьгинский веленьсоветонь „Красный путь“ колхозса сьормань каннись Гаврил Ефимович Калдаев ялгась эсь обязанностенцы относится пяк честнайста и добросовестнайста.

Сентябрьть 25-це шистонза Атюрьевский районнай связень отделсь йотафтсь совещания, коса добросовестнайста работаманкса Калдаев ялгати макссть премия 50 цалковайхт.

Великай Октябрьский Социалистический революциять 20-це годовщинанц васьфтеманцы сон включился социалистический соревнованияс и сясь самообязательства, штоба тя исторический праздникть васьфтемс нингя сяда цебярь показатель мархта, штоба Од-Кярьгинский „Красный Путь“ колхозникненъ фатямс сембень газетань и журналонь подпискаса. Штоба эрь колхознай кудсь получаль газета и журнал.

Комсомолец.

Атюрьевань р-н.

## Оцю радостьса аноклатама кафта исторический дататненъди

Комсь киза, кода Октябрьский революциясь тейнек макссь счастливый, радостный, обеспеченный эрьф. Комсь киза-ни, кода эрятама Сталинский эпохаса—культурнай, павазу эрьфса, конанц максозе партиясь, правительствась, кельгома учителеньке, вожденье Иосиф Виссарионович Сталин ялгась.

Минь доблестнай Якстерь Армияньке касы и эрь шиня кемокстай сонь мощец. Касы стахановский движениясь.

Советский геройхне, Сталинский эпохань соколхне, завоевандазь Севернай полюсть:

Минь ули Сталинский Конституцияньке, коса максфт сембе праватне работамс, ваймамс и тонафнемс.

Сталинский Конституциять основанц коряс тийф ули Верховнай Совету выборхненъ колга Положенияньке, коса минь улихть праваньке улемс кочкайкс и кочкафокс.

Нят сембе сатфксненъ минь сатоск аньцек Великай Октябрьский Социалистический революциять вельде.

Инсарань педучилищань студетне, кода и сембе Советский Союзонь народсь вишкста аноклайхть Великай Октябрьский Со-

циалистический революциять XX-це годовщинанц васьфтеманцы, и аноклайхть СССР-нь Верховнай Совету выборхненъди, конат кармайхть улемя йотафт декабрьть 12-це шистонза. Синь вишкста тонафнесазь Верховной Совету выборхненъ колга Положениянь.

3-це курсонь студетне кармайхть яксекшнема маластонь вельтенъди, коса кармайхть колхозникненъ йоткса тонафнема выборхненъ колга Положениянь. Кармайхть йотафнема оцю массово-разъяснительнай работа. Аф кунара синь йотафтсь марстонь учениконь пуромкс, коса ученикне сясь обя-зательства, штоба Великай Октябрьский Социалистический революциять XX-це годовщинанц и Верховнай Совету выборхненъ васьфтемс небывалай цебярь показатель мархта.

Вишкотець соц. соревнованиять и ударничества, конанц вельде кепетькшни успеваемостьс и посещаемостьс. Колхозникненъ йоткса ученикне йотафнихть оцю массово-разъяснительнай работа. Активнайста, апак лотсекс и пяк оцю мяльса сембе студетне тонафнесазь Верховнай Совету выборхненъ колга Положениянь и Великай Сталинский Конституциять,

Петр Аф.

## ВЕЛИКАЙ ОКТЯБРЬСКИЙ СОЦИАЛИСТИЧЕСКИЙ РЕВОЛЮЦИЯТЬ XX-це ГОДОВЩИНАНЦ ВАСЬФТЬСАСЬК ЦЕБЯРЬ ПОКАЗАТЕЛЬ МАРХТА

Сембе предприятияне, учреждени-яне, колхозне, совхозне, школатне пяк оцю мяльса и радостьса аноклайхть Великай Октябрьский Социалистический революциять XX-це годовщинанцы.

Сембе включаются соцсоревнованияс, конанц вельде сатнихть цебярь показателхт.

Самодуровка велень Дзержинский ялгати лемса колхозонь колхозникне тя исторический праздникть васьфтьсазь цебярь показатель мархта.

Колхозсь МТС-ти натуроплатать максозе, модамарензон таргазень

времада инголе и государствати сембе заданиянзон максозень.

Тя колхозса улихть лама колхозникт и колхозницат, конат работайхть пяк честнайста, добросовестнайста, работамань нормасон пшкотькшнесазь 250 проценти и цебярь качества мархта.

Тяддень кизоть урожайсь пяк цебярь, колхозникне получайхть ламонь сьора.

Самодуровка велеса лама колхозникт участь-ни 200 пудонь сьора.

Колхозникне эрьяхть зажиточнайста. Сембе колхозникне коч-

касть аф кунара колхознай од председателхс Аношкин ялгати.

Аношкин ялгась колхозса лувондовсь инь честнай, добросовестнай колхозниккокс. Сон колхозса ашезь атказакшне кодамовок работаста. Сядингольденъ эрьфса эрьсекшнест пяк ашуста.

Колхозникне и колхозницатне честнайста и добросовестнайста работаманкса кочказь сонь колхознай председателхс. Доверили те-енза ответственной и почетнай те.

Шумбрат улест стахановецне! Шумбра улеса Октябрьский революциять XX-це годовщинац!

Шумбра улеса кельгома вож-денъке Сталин ялгасы!

Аношкин.

Ковылкинань р-н.



## ТОНАФНЕМС И АЗОНТКШНЕМС ИЗБИРАТЕЛЬНАЯ ЗАКОНТТЪ

СССР-нь Верховнай Совету выборхнен колга Положения тонафнемац и азонткшнемац—Ленинский комсомолт пропагандистский работанц неотложной задачац.

Каждый комсомолец должен лац содамс од избирательной законтт и маштомс толковайста азонткшнемс сонь молодежи.

Эряви, штоба ленинский комсомолонь членц араль активнай и цебарь агитаторк афсоюзной молодежи широкай слоензонды, способнайк разяснять сят величайшей праватнен, конатнен максоэнь Советский од ломаттненьди и сембе народти Сталинский Конституциясь и сонь основанзон коря тийф од избирательной законтц.

Кода минь странасонк обеспечиндакшневи всеобщай, равнай и прямой избирательной правась и тайнай голосованиясь, кода обеспечиндакшневи общественной организации и трудящень обществатнен правасна выборхнен пингста эсь кандидатураснон выставлениясна, кода улихть организованнайхть СССР-нь Верховнай Совету выборхне,—Сембе нят и лама лия кизефксне должны улемс яснахть минь странанькей каждой гражданинонцы. Комсомолец должен маштомс отвечама аф союзной молодежи любой возникающей кизефксонзонды, конат связаннайхть СССР-нь Верховнай Совету предстоящей выборхнен йотафтомаснон мархта. Сон должен улемс политически оржа агитаторк, маштоль разоблачать молодежь йоткса вражеской агитациатнен попыткаснон.

Вов мес особенно важна вооружить каждый комсомолец предстоящей выборхненди материалхнен содамаса.

ВЛКСМ-нь ЦК-ась нинге июль ковста новлясь комсомольский местнай комитеттненьди особай указания, штоба келиста развернуть молодежь йоткса Сталинский Конституциять и СССР-нь Верховнай Совету выборхнен колга положения тонафнемац выделить тя тевть йотафтома специальной агитаторхт и пропагандистт.

Пропагандистне и агитаторхне синьц должны тщательна аноклама занятиянен и беседатнен йотафтомаснонды. Пропагандистнен и агитаторхнен мархта необходима йотафнемс инструктивной докладт, лекция и консультация, штоба лездомс синьдеестсяда полнайста разяснять молодежи и сембе граждаттненьди од избирательной законтт содержанияни и значенияни.

Сталинский Конституциять и сонь основанц коря тийф избирательной законтт тонафнемаснонды кружокнен эса слушательхне, а станя-жа сембе граждаттне должны яснахть усвоить советский де-

мократизмат существованц и сонь глубокай принципиальной отличиянц буржуазной демократизмат эзда. Эрявихть вооружить синь фактса, иллюстрировандаф материалса советский избирательной и буржуазной странань избирательной законттнен колга.

Кружковой занятияса комсомолце и аф союзной од ломаттне должны нингя сядя цебарьста тонафнемс избирательной законтт, штоба лац сонь содамс и маштомс разяснять каждой од рабочайти, колхозникти и служащайти.

Комсомольский агит коллективнен задачасна—лацкас проинструктировать агитаторхнен, лездомс синьдеест толковайста, яркайста осветить молодежь инголе социалистический государствань избирательной законтт.

Тя работась аф эряви откладывать ичкозден ящикс, а келиста развернуть сонь од ломаттнень и сембе граждаттнень йоткса. Но кой кона комсомольский комитеттне лувса эстиест позволительным различнай „очереднай“ тевонь предлога откладывать избирательной законтт тонафнемац и азонткшнеманц, медлят молодежь йоткса беседатнен и читкатнен мархта.

Тянь лангса корхтайхть аф вест печатлакшнеф „Комсомолонь вайгяль“ газетат эса материалхне. Тя вреднай и неопозволительной отношения комсомолт пропагандистский и агитационнай работанц важнай задачанцы должен улемс решительнайста осужденай.

Минь должны мяляфтомс сян колга, што народонь вракне, троцкистско-бухаринский бандиттне йорсест и йорайхть вятемс од ломаттнень йоткса подрывной работа, использовандамс и использовандакшнесаз од ломаттнень йоткса всякай политический работань слабостть. Минь пропаганданьке и агитациянке должен улемс политически острай, способнай разоблачить вракнен проискаснон и педа-пес машфтомс народонь вракнен и синь пособникснон. Лездомс Ленинтт—Сталинтт великай партианцы социалистический строить кемокамаса и дальнейшай развитиянц инкса тюремаса.

Сталин ялгась Советонь Всесоюзной чрезвычайной VIII-це с'ездса СССР-нь Конституциять проектонц колга эсь докладсонза азозе:

„...Кда народсь кой-коса и кочкай враждебной ломатт, то тя кармай означать, што минь агитационнай работаньке путф изрук вон калдявста, и минь вполне заслужили тяфтама позор, кда-жа минь агитационнай работаньке кармай молема побольшевицки, то народсь аф нолдасыня враждебной ломаттнень соньцень верховнай органонзонды“.

шуфтонь брус,—корхтай Поздьякин ялгась,—конанцы приспособил проволоку. Тя проволоку шеткась, усковомок сеялкат мельга, сядя цебарьста кяшендезень видьмотнен модати. Цебарь урожайть сявоманцы изобретениязе макссь оцю лезкс.

Поздьякин ялгась савсь обязательства, штоба сай кизоть сатомс нингя сядя оцю урожай.

Ив. Агапов.

Березниковский р-н.

## Аноклайхть выборхненди

Ч.Полянский вельсоветонь „1-е Мая“ колхозса сембе колхозникне пара мялса аноклайхть Верховнай Совету выборхненди.

Колхозникнен ули изба-читальнясна, коса избачекс работай Молофеев ялгась. Молофеев ялгась яксекшни колхозникнен работама вастозост, коса сон колхозникненди лувонды газетат, журналхт. Тяда башка сон, кодак получаь газетат брошюркат и Верховнай Совету выборхнен колга Положениять, сякажа шитнен эзда ушелсь тонафнемонза колхозникнен мархта тя важнейшай документт эса.

А од ломаттне эрь илядьяна сашенткшнихть изба-читальняв, коса синь станяжа тонафнесаз Верховнай Совету выборхнен колга Положениять. Сембе колхозникне и колхозницатне активнайста и внимательнайста тонафнесаз тя важнейшай документт.

Молофеев ялгась-допризывник. Сон тяда башка нингя тонафни 1918 кизонь допризывникнен мархта. Синь цебарьста аноклайхть доблестнай Якстерь Армияв. Занимандакшнихть физкультураса, тонафнесаз военной тевть (винтовкат), тонафнихть грамотас. Аноклайхть эсь пряснон эса, штоба политически грамотнай ломанькс модемс доблестнай Якстерь Армиять рядонзонды.

В. М.

Кадошкинань р-н.

## Машфтомс почтаста уликс афсатыкснен

Рыбкинань райцентрань почтаста пингс пяк лама оцю афсатыкста.

Сидеста эрсихть тяфтама случайхт, што юмсихть посылань переводт, ярмаконь переводт, сьормат. Подписчикненди газетатнен, журналхнен пачфнесаз аф эсь пингстост.

Срочнай сьорматнен, телеграмматнен кирьнесаз нилень—ветень сутка апак прважак.

Кепетьксонди сясвась Нуштаева ялгать, кода сьорматфнекснесь 2 экземплярхт газета, но йотась 15 ши, а теенза газета аф пачфнихть. Мзярда Нуштаева ялгась молись почта газетнай экспедиторти Савкиннти и кизефтезе, мес аф получакини сон газета, Савкинц макссь ответ, што наверна юмась квитанциясь; Савкинц Нуштаева мярькс, што сон тя тевть уточнит. Но вов—ни йотась ков, а Нуштаева ялгась газетат аф получакини.

Сембе нят безобразиятнен колга почтань заведующайти Питянинтти ламоксть ульсть максфт сигналхт, но сон кодамовок мерат аф примоси.

Нингя сядонга калдявста ащи тевсь телефонт мархта. Штоба корхтамс кодама—нибудь учреждения мархта, то эряви 15—20 минута звонямс почта, а корхтамда меле отбоень максомс эряви 30 минутат и сядя лама.

Телефонца корхнематнен телефонисткатне Гудиловась, Чугуновась и лияне сидеста кулхцонткшнесазь.

Нят сембе безобразиятнен почтань заведующайсь Питякинц содасыне, но эсь беспечностенц сюнеда кодамовок мерат аф примси.

К.

Рыбкино.



Моску а Советонь Дворець строительствасонза мольфтевихть работат Большой залт фундаментонц потма ширеванза траншеянь таргамаса.

СНИМКАСА: Потма ширьден траншеятне.

Фотось А. ТРОЯНОВСКИЙТ (Союзфотот).

## Горьканов и Мукнаевсь нарушандакшнесазь велень хозяйственной артельть уставонц

Велень хозяйственной артельть уставонза азф, што бригадирсь эрь неделати весть должен сьорматкшнемс эрь колхозникть трудовой книжказонза сонь выработаннай трудовинзон.

Но кой-кона колхознен эса тя уставонь пунктс грубайста нарушандакшневи.

Тяфта „КИМ“ колхозса 3-це бригадань бригадирсь Горькановсь пьянствовандаманц сюнеда аватнен кафта неделань каньфонь таргама работаснон аф ведомосттненьди, аф трудовой книжказост ашезень сьормад. Бригадирсь Мукнаевсь Родина Евдокия махорка переса работаманкса 1,5 шитнен вастс, сьорматсь аныцек 1,18 трудшит.

Эряви азомс, што „КИМ“ колхозса сембе бригадатнен эса трудонь учетс ладяф преступно-кальдявста.

Чалмакин.

## Испанияса фронттнен эзга

### Центральной фронтс

Октябрь 27 шистонза Университетский городокса республиканский войскадне инженерно-агрономический школат ала сязьсть контрмина. Уничтожиндаф минать, мархта, конань мятежникне вятнезь республиканский окопнен алу, разрушеннай школат зданиянц. Взрывсь кандсь тяжелой потерят мятежникненьди.

Гвадалахарать секторса ульсть отбитахть мятежникнен колма атакасна.

Мадридский секторса республиканский артиллериясь целай шикувалма бомбардировандась мятежникнен позицияснон и тылснон эса, сян инкса, штоба воспрепятствовать синь войскаснон концентрацияснонды.

Ответ. редакторсь П. ЕЖОВ.

Упол. Главлита № Д—119. Тираж 2508. Заказ № 3512.

г. Саранск, тип. „Красный Октябрь“.

## БРИГАДИРСЬ ПОЗДЯЙКИН ЯЛГАСЬ ПРИМЕРНАЙ СТАХАНОВЕЦ

Косогор велеса „Большевик“ колхозса 1-це № бригадань бригадирхт С. Поздьякин ялгать содасазь сембе Косогор велень колхозникне, кода цебарь, добросовестнай работиконь. Тя кизоня сонь бригадац сатсь сембеда оцю урожай. Среднийста эрь гектарсь макссь 25 центнерхт сьора.

Поздьякин ялгась корхтай, што цебарь урожайть сатоськ цебарьста и добросовестнайста работат вельде.

— Мон сявонь сеялкат келеса